

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 200 del 27/01/2022**

**Traduzione in ladino**

## **Online l sit de la neva TV digitèla tel Trentin**

**La neva TV digitèla rua tel Trentin. L é online da en lunesc ai 24 de jené [www.trentinoirete.it/TVdigitale](http://www.trentinoirete.it/TVdigitale), l sit dedicà ai utenc trentins olache se pel veder la dates, i raions touc ite e i aggiornamenc del cambie de frequenza (refarming). Aldò del program dezidù dal Minister del Svilup economich (Mise) se pea via ai 4 e ai 8 de firé coi Comuns de Bondon e Vermiglio, ai 14 co l’auta Val de Non e pèrt de la Val de Sole, e dapò, dai 15 ai 23 de firé, duc i etres raions del Trentin. Enscin ades, l refarming de la frequenzes l é stat metù a jir te la Sardegna, te Val d’Aosta e pèrt del Piemont e de la Lombardia.**

Do 14 egn dal prum switch off – del 2009 l é stat la fin de la televijion analogica che la ge à lascià l post al segnal digitèl -, la televijion digitèla la se enjigna a n nef mudament, l’adozion definitiva de l’auta definizion.

L Minister del Svilup Economich (Mise) l à stabilì dai 15 ai 23 de firé del 2022 na distribuzion neva tel Trentin de la frequenzes anter la emitentes televisives. Per rejons de armonisazion co la Regions e Provinzies de confin, te dotrei raions l calènder l vegnarà antizipà: ai 4 de firé tel Comun de Bondon e te la val del Chiese sul confin co la Lombardia; ai 8 de firé tel comun de Vermiglio (auta val de Sole semper sul confin co la Lombardia) e ai 14 de firé te l’auta val de Non e na pèrt de la val de Sole, dessema con dotrei raions del Sudtirol.

### **L nef sit per i utenc trentins**

Tel Trentin, l sit de referiment l é [www.trentinoirete.it/TVdigitale](http://www.trentinoirete.it/TVdigitale), metù a jir da la sozietà de sistem Trentino Digitale. Te la sezion dedichèda a la “TV digitale” de “Trentino in rete”, se pel troèr la 10 schedes co la dates de la neva distribuzion de la frequenzes.

Vigni scheda specifichea i Comuns touc ite, la mapa del segnal televisif, la informazions prinzipèles e vèlch consei de utol. Te la pruma piata, l sit l moscia l contator di Comuns che de firé i vegnarà touc ite tel refarming de la frequenzes.

A drete de la piata “TV digitale”, l é a la leta di sentadins i tutorial video e i numeres da chiamèr tel cajo che serve n didament tecnich.

La neva distribuzion de la frequenzes anter la emitentes televisives la comportarà per i sentadins trentins la sintonisazion endodanef di canai, che per vigni raion geografich e per i Comuns touc ite, la cognarà esser fata la medema dì del intervent (via per l domesdì o da sera).

Per beleche duta la televijions la prozedura de sintonisazion la é automatica. Se enveze la televijion no l’ à la funzion automatica, ge volarà fèr la sintonisazion a man di canai.

A livel nazonèl, l sit de referiment l é chel del minister del Svilup economich (Mise)

<https://nuovatvdigitale.mise.gov.it>.

## **L'otra dates de la TV digitèla**

Ai 8 de mèrz del 2022 vegnarà metù en दौरa sun dut l'raion naziònèl l'codesc nef de trasmiscion di contegnui MPEG-4, che fossa l'adozion de l'auta definizion, lascian l'standard DVB-T che l'é ades.

Ence te chest cajo l'consei l'é chel de sintonisèr endodanef i canai.

Dal 1<sup>m</sup> de jené del 2023, la televizion talièna la tolarà su a na vida definitiva l'standard DVB-T2. Duc i canai naziònèi trasmetui con codec video Mpeg-2 i cognarà vegnir lascé su dant che sie fora l'2022, e chi che no à na TV o n'decoder aldò no i podarà più i veder.

Per favorir l'adozion di neves standard televisives e l'adatament di aparac più veies, l'Mise l'à pervedù doi contribuc da pèrt del Stat: l'[Bonus TV – Decoder](#) e l'[Bonus Rotamazion TV](#).

### **Traduzion di Servijes Linguistics e Culturèi del Comun general de Fascia**

(Traduzione a cura dei Servizi Linguistici e culturali del Comun general de Fascia)

(cdt)